


«ՋԼԻԻՂԻ» տարեկան գինը 10 հիւնս, կէս տարւանը 6 զուսն: Առանձին համարները 5 շահի:

Արտասահման տարեկան 8 ֆր. կամ 3 բուրի կէս տարւանը 5 ֆր. կամ 2 բուրի:

Արտասահմանից փողի համար պիտի դիմել հետեւեալ հասցեով. *Черезъ Баку въ Эрзели Россійской Императорской Миссін въ Тегеранъ пер. Бекъ-Назарову.*

«ՇԱԽԻՂ» ԼՈՅՍ Է ՏԵՍՆՈՒՄ ՏԱՐԵԿԱՆ 50 ՀԱՄԱՐ ԵԱԲԱԹ ՕՐԵՐԸ



«ՋԼԻԻՂԻ» խմբագրութիւնը բաց է 10-ից մինչև 2 ժամը. բացի կիրակի և տօն օրերից:

Ցայտարարութիւնները ընդունվում են ամեն լեզուով՝ իւրաքանչիւր բառին մի անգամուայ համար 1 շահի: Արտասահմանի յայտարարութիւնները բառին 1 կոպէկ: Նամակները, նաև Պարսկաստանի բաժանորդագրութեան հասցէ. *Rédaction «CHAVIGH» Téhéran. (Perse)*

ԳՐԱԿԱՆԱԿԱՆ ԵՒ ՔԱՂԱՔԱԿԱՆ ՇԱԲԱԹԱԹԵՐԹ

ԲԱՅԻԱԾ Է ԲԱԺԱՆՈՐԴԱՐՈՒԹԻՒՆ 1896 ԹԻՒ

Գ. ՏԱՐԻ „ՇԱԽԻՂ“ Գ. ՏԱՐԻ

ԳՐԱԿԱՆԱԿԱՆ ԵՒ ՔԱՂԱՔԱԿԱՆ ՇԱԲԱԹԱԹԵՐԹ

Կը հրատարակի թէհրանում նոյն ուղղութեամբ և նոյն ծրագրով: «Շախիղ» բաժանորդագիրն է Պարսկաստանի համար մէկ թուաման. կէս տարւանը վեց զուսն: Արտասահմանի համար 3 լուրի կամ 8 ֆրանկ. կէս տարւանը 2 լուրի կամ 5 ֆրանկ:

Ռուսաստանից զրամական ծրարները պիտի ուղարկեն անպատճառ հետեւեալ հասցեով: *Черезъ Баку въ Эрзели Россійской Императорской Миссін въ Тегеранъ, пер. А. Бекъ-Назарову.* Խնդրում է ուշք դարձնել ճիշտ այս հասցեով և առանց մի բառ մոռանալու ուղարկել զրամները, այլպէս չեն ընդունւի: Եւրոպայից ուղարկել պէտք է փոխանակագրով կամ թղթաղարամով. Հասցէն Եւրոպայի համար *Téhéran, Rédaction «CHAVIGH».* այդ հասցէին պիտի լինի նաև Ռուսաստանից խմբագրութեան ուղղած թղթակցութիւնները:

Ապառիկ բաժանորդագրութիւն ոչ մի դէպքում չէ ընդունվում:

Պարսկաստանի համար հասցէն *Rédaction «CHAVIGH», Téhéran.*

Խմբագրութիւնը ունի գործակալներ հետեւեալ տեղերում:

Կովկասում.—Թիֆլիս՝ «Մուրճի» խմբագրութեան մէջ պ. Յ. Յակովբեան. պ. Խ. Արզումանեան: Բաթում.—պ. պ. Գ. Գրիգորեան, Ստեփան Քոստեան: Բազում.—Տպարան «Արօր». Որդիք Բ. Արզումանեան: Բալասանի.—պ. Բալասի Ս. Գաբրիէլեան: Կարս.—պ. Արէլ Ապրեսեան: Ջուրի.—պ. Թոմաս Մհերեան: Ախալքալաք.—պ. Զաւար Տ. Գրիգորեան: Օդեսսա.—պ. Որդիք Բ. Արզումանեան: Եւրոպա. Ռուստը.—պ. Փ. Հաղլեան: Պարսկաստանում.—Սալմաստ՝ պ. Յ. Ապրեսեան (Շղթայք Ս. Արզումանեան) Արդաբիլ՝ պ. Յակովբէլիէլեան: Նոր-Ջուղայ՝ պ. Յովսէփ Բարսեղեան: Բուշիր՝ Կ. Զէյթունեան: Ռաշտ և Էնզելի՝ պ. Ալէքսան Յովսէփեան: Մարաղա՝ պ. Մեղրոն Խալափեանց. Գավրէժ՝ Ընթերցասիրաց Գրադ. ընկ. խանութ:

Գործակալ չէղած քաղաքներից բաժանորդագիրն կարելի է ուղարկել պարսկական նամակադրոշմներով:

ԲՈՎԱՆԴԱՅԻՆԹԻՒՆ
Հասկանալի լեզուով խօսեցէք.—ՆԵՐՔԻՆ ՏԵՍՆՈՒԹԻՒՆ. Հայկական հարցի մասին. Մի պոռոյտ Սպահանում. Նամակ Բուշիրից. Նամակ Ռաշտից. Նամակ խմբագրութեան. Գրախօսութիւն. Ներքին լուրեր.—ՅԵՌԵՄԻԱՆԵՐ. Ցայտարարութիւններ:

ՀԱՍԿԱՆԱԿԱՆ ԼԵՋՈՎ ԽՕՍԵՑԷՔ

Քանի հոգի է հասկանում մի այսպիսի լեզու: ...«Ի չգտանել ուրուք իսկոյն զայս կատարեալ առաւելութիւն ձայնից, վերստին արկցին ձայնք գերկոցունց՝ որ զառաւելագոյն կալան ձայնս և դէպս այսպիսիս պարտ է երկոցուն նոցա, զորոց ձայն արկանի, չտալ զվարկ իւրեանց»...

Եւ սակայն ահա այդպիսի լեզուով է դեռ որ գրում են մեր սպահանցի, Հնդկաստանցի և Զաւայի հայերը: Դեռ զաքիչ կատարեալներին է. ինչ սոսկալի ոյժ պէտք է գլուխ հանելու համար այն լեզուից, որով սպահանցիք վարում են իրենց թղթակցութիւնները, գրում են կանոնագրութիւններ, հաշիւներ, նամակներ: Որքան որ նրանց գոռում են թէ հասկանալի լեզուով խօսեցէք, անպատուութիւն և ամօթ են համարում աշխարհաբառ գրել, աշխարհաբառ

սովորել: Մեզ գալիս են թղթակցութիւններ, որոնց լեզուն մի այլանդակ խառնուրդ է կազմում աղաւաղած հայերենի, պարսկերենի, սխալահնչիւն և անգլերենի այլանդակած բառերի: Գոնէ մաքուր հայերէն, աւետարանի սիրուն գրաբառով գրէին... Պարծանք են համարում Մարտի փոխարէն Մարջ, և Օգոստոսի փոխարէն Աւգոստ գործածելու հետ՝ գրաբառ և աշխարհաբառ բառերի կոյտեր էլ անել, մթնացնել, մթնագոյն դարձնել մի ամենապարզ նախադասութիւն և կարծել թէ հայերէն են խօսում:

Որի համար է որ նրանք տալագրում են այդպիսի այլանդակ կամ հէնց նոյն իսկ ամենաբարձր գրաբառով գրած գրքերն ու հաշիւները, կանոնագրութիւններն ու երբեմն էլ թերթեր լըցնող բանաստեղծութիւնները: 25 որ ընթերցող հասարակութիւնը ոչինչ չի հասկանում այդ տեսակ խառնուրդներից և չէ՛ դր նրանց է որ տըրվում են այդ գրքերը: Ինչու զուտ աշխարհաբառ, Այրարատեան լեզուն չը գործածել, չը սովորեցնել մեր զըպրոցներում: Լեզուն, ինչպէս և ամեն ինչ, ստեղծւած է մարդու համար և եթէ նա փոփոխում է իր բարբառը այս

կամ այն ձևի, տեսակի—զա նշանակում է որ կատարել է մի բնական բնափոխութիւն, որին դէմ դնելը անմտութիւն է: Վեզուն մի որևիցէ վարդապետութիւն չէ... ասում է Մ. Նալբանդեանը («Գաղափար» № 2), կարելի չէ լեզուն քարոզել. ուզես առ բոլոր ազգը և նստացուր աշտկերտական նստարանների վրայ, որ անկարելի է բան էլ դարձեալ աշխատանքը անօգուտ կը լինի... Ամենայն շրջան ունի իր բնաւորութիւնը և նոյն կերպարանքը, նոյն բնաւորութիւնը կունենայ և նրա լեզուն. մեր հին լեզուի մէջ ասում ենք «գան ըմպել», իսկ նորի մէջ գանը չէ խմվում, այլ ուտվում է, ասում ենք ծեծ ուտել և ոչ թէ խմել»...

Ինչ որ հին լեզուի մէջ օրէնք էր, նա այժմ բնական կերպով կարող է անգործադրելի դառնալ: Այդպէս է խօսողների պահանջը. ի զուր է այդ պահանջների դէմ դնել: Ով, քանի՞ հոգի են այժմ որ ընդունակ են հասկանալու գրաբառ լեզուով գրածքներ: Ժողովուրդը, որին ես տըրվում մամուլի տակից լոյս տեսնող գրածքներ, չէ հասկանում ձեր գրաբառ, պապերի «նւիրական» կոչած լեզուն: Զը կայ ոչինչ նւիրական, որ տեղի չը տայ մարդկային պահանջների առաջ: Եթէ մեր պապերը գոհ կարող էին լինել մերկ մանգալով, այդ չէ նշանակում որ մենք էլ կարող ենք նոյնը անել:

Մի խօսքով ոչ սրանից 100 տարի առաջւայ օրէնքներով ու պահանջներով և ոչ էլ այդ ժամանակայ լեզուով կարելի է գոհացնել այժմեան մարդկութիւնը:

Ինչ կը հասկանար օրինակ մի իտալացի կամ ֆրանսացի, եթէ նրան մի լատիներէն կամ 17-րդ տարի ֆրանսերէնով նախադասութիւն ասէիք...

Անմտութիւն է պնդել մի լեզուի գործածութեան մէջ թողնելու վրայ, եթէ այդ լեզուն այլ ևս հասկանալի չէ մնում մեծամասնութեան, եթէ նրանով այլ ևս ոչ ոք չէ խօսում, ոչ ոք չէ թղթակցում:

Հասկանալի լեզուն, գործածական լեզուն սովորեցնէք ձեր մանուկներին. այնպիսի լեզուով գրեցէք որ ձեզ ժողովուրդը հասկանայ, որ ձեր հրատարակածները ժողովուրդը ըմբռնէ: Պարծանք չէ գրաբառով, այն էլ մեր սպահանցի և հնդկահայ եղբայրների անճոռնի, այլանդակած գրաբառով գրել, այլ մինչև իսկ անմտութիւն է: Վեզուն ժամանակի արդիւնք է և ծագում է ժողովրդի հասկացողութեան և

քաղաքակրթութեան համաձայն. վատ թէ լաւ—այդ ուրիշ խնդիր է, բայց իրողութիւնը այս է, որ այդ լեզուն, որպէս ժամանակի լեզու, ունի նոյն իրականտար և անփոփոխ իրաւունքը, որ իր ժամանակին ունեցել է նախընթաց նահապետական լեզուն» (Մ. Նալբ. «Գաղափար» № 2):

Այժմ հայ ժողովուրդը խօսում է աշխարհաբառ. գրաբառը մի լեզու է, որ վաղուց պէտք էր դուրս ձգել գործածութիւնից, մինչև իսկ դուրս նետել եկեղեցիներից: Մի լեզու է որին ժողովուրդը այլ ևս չէ հասկանում և որին այլ ևս չի վերադառնալու:

Ինչու ուրեմն կամակորութեամբ պաշտպանել նրան:

Յիրաւի ժամանակն է, որպէս և ասում է մեր Բուշերի թղթակիցը իր այս համարում տպած թղթակցութեան մէջ: «Ժամանակն է որ Հնդկաստանի, Զաւայի և Նոր-Ջուղայի գրագէտներն էլ ջանալին մշակել և գործածական շինել առհասարակ՝ մաքուր աշխարհաբառը»:

Մեր ասածն էլ այդ է: Ազատեցէք մեզ այն անճոռնի հայերէնից, որը միմիայն ծիծաղ է շարժում, այժմ անհասկանալի մնում և երբեք նշան չէ որ նրան գործածողը լաւ հայկաբան է, այլ որ նա հայերէն չը գիտէ և եթէ գիտէ էլ՝ պահանջողական մի տիրացու է որ չգիտէ ժամանակի ոգին և նրա պահանջները:

Խօսեցէք ժողովրդին հասկանալի լեզուով—ահա մեր պահանջը:

ՆԵՐՔԻՆ ՏԵՍՆՈՒԹԻՒՆ

ՀԱՅԿԱՆԱԿԱՆ ՀԱՐՑԻ ՄԱՍԻՆ

Հայկական ընթերցանական ծրագիրը հակառակէս բովանդակում է մայիսի 11-ի ծրագրի գլխաւոր կէտերը: Փոփոխութիւն եղել է միայն նրանով, որ կառավարութիւնները ետ են առել վէժօի իրաւունքը նահանգապետների նշանակելու վերաբերմամբ: Դրա փոխարէն նրանք իրաւունք են ստացել նշանակելու մի քրիստոնեայ բարձր կոմիտար. այդ պաշտօնեան անւանվում է «մուաւին», որ նշանակում է քաղաքական կցորդ և ոչ մի անկախ իրաւունքների տէր չէ: Վերահսկող յանձնաժողովը նոյնպէս մասամբ զրկվում է իւր իշխանութիւնից. նա իրաւունք պիտի ունենայ խորհուրդ հարցնելու և իր կարծիքները ներկայացնելու:

Իէյուէր.

—Ռուսական գործակալութեան հեռագիրները համեմատ, Գիտաբանական վիճակները հայերը յարձակել են պահանջող զինուորների վրայ, սպանել են մի քանի մահմետական և այլու բազմաթիւ անմեղ անձներ։ Նոյն գործակալութիւնը յայտնում է որ թիւրքական զեկուցուով ցոյց է դրւած, որ Բաղէշում սպանել են 163 թիւրք և Հալէպում մի քանի եւրոպացիներ։

—Բուրս մեծ սլետութիւնները, Անգլիան, Ռուսիան, Իտալիան, Ֆրանսիան և Աւստրիան մարտանաւեր են ուղարկել Լեւանտ (Լեւանտ ծոց, Յունական ծովում) որից շատ բոտ և Եւրոպական թիւրքերի հոգը։ Բայց մինչ այդ կատարւում է, այն կողմ, Հայաստանում բոլոր քրիստոնէաների դուռները շատ փոստաւոր է նկատւում։ Մի սոսկալի կոտորած է տեղի ունեցել Խարբերթում ևս. կոտորել են 800 հոգի, այլու են ամերիկացոց շէնքը 15000 անգլ. լիրա արժողութեամբ և...—զարմանալի, ասեղծական բան—երկու տղամ և որ միտնաւորները ազատվում են մէկը Երուսաղէմի մօտ եղած յարձակումից, միւսը Խարբերթի վայրէջքի կոտորածից։ Միտնաւորների այս ազատելը շատ բան է ասում։

—Եմենում արաբները ապստամբել են 45000 արաբ, զինւած մարտիկներ հրացաններով, երեք ճակատամարտի մէջ ջարդ են տւել թիւրքերին և պաշարել են նրանց Եմենի զխաւոր քաղաք Սաւայում։ Իսկ Զէյթունի հայ ապստամբները գրաւել են տեղական բերդը, որի զօրքը իր զէնքերով միասին անձնատուր է եղել ապստամբներին։

—Կ. Պոլսի սեպտ. 17-ի ցոյցը ձեռնարկել են Հնչակեանները, իսկ իսկոյն յետոյ Դաշնակցականներն էլ բաց թողնելով մի թուրքիկ թերթ, հրաւէր են կարդացել միանալու և շարունակել ապստամբութիւնը։

—«Մշակը» Իզդիբից լուր է ստացել, որ Բայազիտում նոյնպէս սկսել են հայերին կոտորել. թիւրքերի և քրդերի կոտորածից հազիւ մի քանի հայեր ազատւել են և փախել ուսաց սահմանը։ Այդ առիթով Ռէյտէրի գործակալութիւնը յայտնում է, որ ցեղական և կրօնական շարժումը այն աստիճան ոյժ է ստացել Հայաստանում, որ առաջն առնել շատ դժւար է։

—«Daly News» անգլիական մեծ թերթը Վէնայից ստացել է մի հեռագիր այսպէս բովանդակութեամբ։ Ինչպէս լսվում է, Ռուսաստանը որոշել է իր զօրքով մտնել Հայաստան, հէնց որ բրիտանական նաւատորմը երեւոյ Բոսֆորի առաջ։

ՄԻ ՊՏՈՅՏ ՆՈՐ-ՋՈՒՂԱՅԻ ՄԷՋ

Ես չեմ խոստանում ընթերցողի հետ Ջուզայի ամեն ծակ ու ծովը պտտել և նրան ծանօթացնել ժողովրդի սարք ու կարգի, նիստ ու կացի և վարք ու բարքի հետ. ես նրան միայն առաջնորդելու եմ մի քանի նշանաւոր հաստատութիւններ և մասամբ ծանօթացնելու եմ նրանց զրույթեան հետ։ Գիտեսալու է

որ 500 տուն հայերի մէջ շարժում և գործ խիստ շատ պակաս է. թէ երբ ջուղայեցիք պիտի սթափեն իրենց մրափումից և տեսնեն իրենց թոյլ և թերի կողմերն և կեղտոտութիւններն և փութան մէկ ճար անելու—այդ դեռ հարց է, դրա համար դեռ երեւի տարիներ են հարկաւոր։

Ընթերցողի հետ մտնենք փոքր ինչ Ջուզայի ամենաշնորհաւոր հիմնարկութեան մէջ, այդ է Ամենափրկչեան Վանքը, որի մէջ ապրել են մինչ այսօր բազմաթիւ վեղարաւորներ 1606 թուականից սկսեալ։ Վանքի մէջ գերեզմանալիւ լուրթիւն է տիրում. միայն ծառաների աղմուկներն են որ խանգարում են այդ լուրթիւնը։ Ուր է գնացել այստեղ բազմոյ թեմակալ Ծառայի եպիսկոպոսը։ Նա գնացել հեռացել է Գարսից՝ ծոցից այն կողմ, Քանգեսի ափերը քիչ էլ զբաղելու հնդկահայերի հետ։ Ասում են որ մէկ ինչ որ Թովմաս Վֆէնդու հետ բանակցութիւններ և վէճեր է բաց արել. երբեմն էլ լուր է պատում որ նա այնտեղից շուտով մեկնելու է Էջմիածին երթալու։

Խորհրդարանի անդամների թիւը լրացնում են երեք—չորս քահանաներ։ Գանձաւոր նիստեր կարելի է անհետնում. իսկ այս նիստերից հարցանելի է ինչ օգուտ է քաշել ժողովուրդը.—ոչինչ։ Գիւղական զարոյցների հարցը կամ այլ ազգօգուտ հարցեր՝ ոչ մի նշանակութիւն չունին սրանց մօտ։ Առաջարկիր նրանց այս ինչ կարեւոր խնդիրը, պիտի պատահանեն քեզ «շատ բարի» կաց չուր սրբազանին գրենք, հարցնենք և հրամանաց խրատ տանք»։ այսպէս, մեր խորհրդարանի ամեն շարժումը սրբազանի հրամանովն է կառավարւում։ Թէ ինչ հարցերով են զբաղւում մեր սրբազան խորհրդարանի անդամներն՝ զիրքին է ենթադրել. նրանցից մէկն փայտահատութեան և լաւ գինի պատրաստելու կերպեր է համարում իր ընկերակիցներին՝ որոնց երկուսի մէջն էլ ինքն լաւ վարժ է. երկրորդն էլ նկարագրում է թէ ինչպէ՞ս խելօքութիւն գործ դրեց որ երբ տեսաւ թէ պատկերահանութեան արհեստով լաւ չէր կարողանում ընտանիք կառավարել, քահանայացու և մի և նոյն ժամանակ սրբազանի թոյլտուութիւնը գտնելու բարեբաղտութիւնն էլ ունեցաւ, որ իր նախկին արհեստովն դարձեալ շարունակի պարագիւր։ Երբորդ էլ երկար և բարակ իր անցեալ կեանքիցն է պատմում, թէ որպէս հնդկաստանում չը կարողացաւ աւարտել իր ուսման շրջանը, վերադարձաւ հայրենիք հեռագրութեան և զերձակութեան արհեստներն հետգրեալ փորձեց սորվել, չը յաջողեց սրանց մէկն էլ անընդունակ գտնելով հարկը. թուման տաւ սրբազանին և քահանայութեան պաշտօնին հաղաւ։ Խորհրդարանի անդամներն այդպիսի խօսակցութեան նիւթերով են զբաղեցնում իրենց նիստերը։

Ընթերցողը արդէն բաջածանօթ է որ տակ ընկերից ի վեր սոյն վանքում գործ է ածվում եղել մէկ մամուլ որի մէջ տպւում էր հարսանեաց հրաւիրաթուղթեր, վանքական հաշիւներ և այլն և այլն. այդ մեքենայն այլ ևս չէ պորժում էլ չէ լսվում նրա բազմատանջ անխնայի ճաճոցը։

Թողնենք այս տեղը գտնւած բազմաթիւ մրտաւոր խցիկները իրենց տեղերում և դուրս գալով մտնենք մի ուրիշ ազգապատկան հաստատութեան մէջ. այն է Գեղարտական դպրոցը. Մուտքին կից գտնւում է դպրոցի գրաւա-

ճառանոցը որի մէջ տեսնւում են Նոր-Ջուզայի պատմութիւններ փտած և փոշոտած, Ազգասէր լրագիրներ (կազմած), Սաղմոսներ և Աւագաբարձներ։ Այստեսակ զբերով Գեղարտական գրաւաճառանոցը շլացնում է այցելուի աչքերը։ Անցնենք դպրոցը. ընծայաբաշխութեան հանդիսի ժամանակն է. սրահի մէջ տեսնւում է կանանց, արանց և երեխայոց խումբ բազմութիւն, որոնց ճիշերից և աղագակներից ունկնդիր հանդիսականի ականջներն են խլանում. հանդէսը գուրկ է կարգապահութիւնից. հէնց այս բազմութեան խառնակութեան մէջ կատարվում է հանդիսի արարողութիւնը։ Քահանաները աթոռակների վրայ բազմած են, ականաւոր կարծած աղաներն էլ նրանց կարգում. ահա մէկ աշակերտ բարձրանում է և մէկ անկապ ճառ է արտասանում, մէկ ուրիշն հետևում է նրան և հայերէն լեզուով մի ուրիշ ճառ է խօսում, որի բուն նիւթն է գրաբաւ լեզուն պախարակել. մէկէն ի մէկ կայնում է մէկ ակնոցաւոր երիտասարդ, որի խօսուածքից երևում է թէ զբաղուցի զխաւոր ուսուցիչն է. սկսում է իր անցեալ տարւան գործունէութիւնից երկար ու բարակ պատմել. թէ որպէս այս կարճ ժամանակամիջոցում իր շնորհիւ դպրոցը այս նախանձելի գրութեան մէջ ընկաւ. այնպէս որ կարողացաւ ազգին ընթացաւորտ աշակերտներ ներել (?) չը գիտեմ ինչ էր նշանակում նա կրկնելով և յետ կրկնելով թէ «Ուրիշ տեղ այսպէս դպրոց չը կայ» *) (ծիծաղ հանդիսականներից) բազմութեան գոռում գոչումներին չը զիմանալով դուրս գանք այս հանդիսավայրից, չը մոռանալով յիշել որ այս նախանձով վառւած աւագ ուսուցիչը մի քանի օրից յետոյ, խոյս տւեց ազգային ասպարիզից և գնաց ծառայելու մի ինչ որ եւրոպացի վաճառականի մօտ, մէկ քանի դառն աւելի ուժիկ գտնելու յուսով։

Դառնանք այժմս օրիորդաց դպրոցին, որը գտնուած է Կուսանաց վանքում. թողնենք այստեղ բնակող «մաքրակենցաղները» իրենց խցիկներում ճոխ ապրելիս՝ և դառնանք դպրոցը։ Չենք անախանձելի գրութեան մէջ է. երկու երեք նեղ և մութ սենեակներում լինում են դասախօսութիւններ։ Նոր-Ջուզայեցին իր աղջկանը ուսում տալու գաղափարն է փափազն չունի. ինչ օգուտ է, ասում է նա—աղջիկների համար այս ինչ այն ինչ ուսումը. նրան միայն բաւական է որ սեղ սպիտակից կարողանայ ջոկել, յետոյ նրա պարսքն է որ տանը նստի իր կարը կարկտանի և տնական այլ և այլ գործերով պարագի մինչև բաղդը բացուի և կարգուի։ Հէնց այս խաւարամիտ կարծիքին համաձայն, Օրիորդաց սոյն դպրոցում պարզ ընթերցանութիւնից բացի էլ ուրիշ ուսմունք չէ մատակարարվում։ Բայց այստեղ խոստովանելու է որ ձեռարկեստը շատ լաւ վիճակի մէջ է գտնւում դպրոցիս աշակերտուհիներին մէջ։ Ուրախալի երեւոյթ է լսել որ այստեղ կառավարում է «Որբուհեաց խնամակալութեան ընկերութիւն» անունով մէկ միութիւն, ունենալով բաւական գումար իրենց արկղում. բայց թէ իրենց անուն համապատասխան ինչ գործերով են զբաղւում—որտեղ կը լինենք այդ մասին կարգալ ձաւիղ լրագրի սինեակներում։

Դուրս գանք կուսանաց անապատիցը և քիչ *) Գուցէ ուզում էր ասել թէ ուրիշ տեղ այդպէս վատ դպրոց չը կայ։

էլ առաջ երթանք։ Ընթերցողին կարծեմ տեսախորժ չի թւիլ եթէ միքիչ էլ նրան պատուհան բողբոջականց կեղրոնում—այստեղ է նրանց գրաւաճառանոցը որի մէջ ծախվում է միայն կրօնական գրքեր. մի քիչ առաջ. սա նրանց հիւանդանոցն է ուր խնամակալվում են բազմաթիւ պարսիկ հիւանդներ։ Միտնաւոր բժիշկը ջանանում է սրանց մատակարարել թէ հոգևոր և թէ մարմնաւոր ճար. մի քիչ էլ առաջ—այստեղ է տղայոց դպրոցը. մանրամասնութիւնների մէջ չը մանկավ միայն այսօրանս պիտի խղճմտանք որքան խոստովանած, որ այդ դպրոցը գերադասելի է մեր ազգային դպրոցից։ Անգլիացի միսիոնարն այս կէտում միայն մեծ ծառայութիւն է արել ջուղայեցի հայերին, ուսում է տւել և զարգացրել է բազմաթիւ երիտասարդների, որոնք արժանի են եղել բժիշկներ դառնալու, վաճառանոցներում և բանկերում մեծ պաշտօններ վարելու, և այլն և այլն։

Մէկ վերջին տեղ և մեր կոյն զառնալով երջացնենք. այդ է Ընթերցարանը. չը գիտեմ ինչ անունով կոչեմ սրան։ Երբեմն կոչվում էր դա «Մեսրոպեան ընթերցարան» ընկերութիւն. մնաւ այդ անունը և յանկարծ բուսաւ «Ռաֆֆի» ընթերցարանից ընկերութիւն», սա էս քանի դեռ իր խանձարուրի մէջ էր դանդաղ, անուանափոխութեան ենթարկեց։ Ընթերցողի հետ մտնենք ընթերցարանի սրահն ընդհանուր ժողովի ժամանակը։ Մէկ երկայնաձև սեղանի շուրջն խառնւած են քսանի չափ երիտասարդներ. նախադահում է Դոկտոր Աղանուրն. փոխ նախագահն է Յ. Գ. Յորդանանեանը։ Ժողովը բացվում է առաջարկվում է ընկերութեան անունը փոխել և կոչել Ուսումնասիրաց ընկերութիւն։ Զատ լաւ կը լինի, բացականչում բժիշկ աթոռակալը... ոչ, պատասխանում է անդամներից մի ուրիշը. մի ընկերութեան գործունէութիւնը իր անունից կախում չունի նոյն անունովն կը շարունակենք։—Լաւ ասում լաւ ասում, դարձեալ գոչում է նախագահը, յետոյ յանկարծ վեր է ելնում տեղիցը և գրախարկը վերցնելով ասում է.—պիտի ներէք ինձ, ես երթալու եմ այս ինչ Մատր... ի տեսութիւն... Փոխ նախագահն է այժմ սկսում խօսել։—Պարոններ, ասում է նա, ամօթ է մեզ խաւալիք դառնանք. միանանք և գործենք, Ռաֆֆիի անունից մարդիկ խրտնում են *) ճառեմ անունը փոխենք և այդպէս մեր անդամների թիւն ստուարացնենք. աշխատենք գիւղօրէից մէջ դպրոցներ բաց անել, Նոր-Ջուզայի բարբառը գտնելու համար մէկ Մարախոսական ընկերութիւն կազմենք մեր մէջ չըբարաց օգնելու համար մէկ Աղբատասիրաց ընկերութիւն հաստատենք, մեր գումարներից խնայելու համար մէկ խնայողական ընկերութիւն հաստատենք. ամօթ է մեզ ես մնալ թէհրանի, Դավթէթի և Ռաշաի հայերից, միանանք և գործենք։ Այս խօսքերով նա թնդացնում էր սրահը. միահամուռ հաւանութեամբ բոլորն էլ մեկնեցան գործն յանձնելով գործադիր անդամներին։ Մէկ երկրորդ անգամ մըտնենք այս սրահը. սեղանի վրայ դրւած է նախագահի, փոխ նախագահի, քարտուղարի և

*) Տարբերակ է. ինչ կայ խրտնելու այդ անունից, չէ կարելի սպահանցի էֆէնդիներից խմանալ. խրտնելու ոչինչ չը կայ, միայն պիտի աշխատել, թէհրանցի Ռաֆֆիականների պէս չը պղծել այդ հայ գրողի յիշատակը։

այնքանի հրաժարականները (!!) մէկ երրորդ անգամ մտնենք այնտեղ Հայաստանի այժմեան վիճակի մասին լրագրներում մէկ քան կարգալու, և հակառակ մեր ակնկալութեանը սեղանի վրայ գտնուած ենք մի քանի հինացած ձաւիղ և փոշոտած Մշակներ և մի քանի էլ ցանցառ անգլիական լրագրեր. ընթերցարանի ծառային էլ խոր քնն մէջ: Ահա ձեզ մէկ նմոյշ Զուլայի մեռած երիտասարդութիւնից: Ամօթ չէ մեր Զուլայի երիտասարդներին ուրիշ մէկ չնչին ընթերցարան հիմնելու միութիւնը և ոյժը անգամ չեն կարողանում ստեղծել իրենց մէջ:

Գէտա

ՆԱՄՍԿ ԲՈՒՇԵՐԻՑ

19 հոկտ. 95

Մեծաւոր № 33-ի գրախօսութեան յօդւածում Բաթմալիոյ Հայ ազգային հաստատութեանց տարեկան տեղեկագիրը կարգալով, շտապում եմ ուղարկել խմբագրութեանդ մի օրինակ «Սահմանադրութեան և կարգադրութեան ժողովրդեան հայոց որի Զատ» թարգմանած հոլլանդերէն բնագրէն և տպագրած ի Նոր-Ջուղա 1881 թուականին:*) Նրա թարգմանիչը պ. Խաչիկ Աբրահամ Թովմասն, այնտեղի համբաւաւոր Հայ գրագէտներէ մէկն է. խրթին ոճին և գրաբառ լեզուին սիրահար: Հանգուցեալ պ. Աղանուր Պետրոս Աղանուրն ևս որ վկայել է թարգմանութիւնը որպէս ուղիղ թարգմանած հոլլանդերէն բնագրից—նմանապէս գրաբառին լաւ հմուտ էր. բայց որպէս երեւում է որ երկուքն ևս կարծես ջանացել են բառական թարգմանութեամբ և այն ևս խրթին և մթին ոճով գոհ լինել, քան թարգմանել այդպէս մի պիտանի տետրակ պարզ և դիւրամբունելի ոճով. գոնէ Աւետարանի ոճով պարզ՝ թէ և գրաբար: Յիրաւի ժամանակ է որ Հնդկաստանի, Զաւայի և Նոր-Ջուղայի գրագէտները ջանային մշակել և գործածական ընել առ հասարակ մաքուր աշխարհաբար: Աշխարհաբար գրել ոմանք կարծում են թէ ստիպւած են գաւառական ոճով գրել և կամ իրենց տեղական սովորութեան համեմատ՝ այլ ազգի բառերով և աղաւաղեալ ոճով գրածքը լցնել: Կան թէ Նոր-Ջուղայում և թէ Հնդկաստանում մի քանի հայագէտներ, որոնք կարող են յօդւածներ էլ գրել քերականական կանոնների համեմատ, բայց աշխարհաբար ոչ, այլ գրաբար: Տաս տարի առաջ, Նոր-Ջուղայի հայոց լեզուի ուսուցիչներն և քերականագէտները ոչ թէ միայն խոյշում էին աշխարհաբարից այլ և ծաղրում էին նրան. բայց միութարական է այժմ տեսնել որ նոր աշխարհաբար գրականութեան և մամուլի շնորհիւ վերջանում է այդ ծաղրը և բոլոր մեր փոքր ի շատէ հայագէտները սկսում են գրել աշխարհաբարով, որպէս պահանջում է ժամանակակից գրականութիւնը: Յուսալի է որ Բաթմալիոյ

մէր Կառաւելի համագործակցի ևս նոյն ձրինակին հետեւելով այսուհետեւ իրենց տեղեկագրերը դիւրամբունելի, պարզ աշխարհաբար լեզուով գրեն, որպէսզի հասկանալի լինի ոչ թէ միայն իրենց, այլ և քոչոյ հայերին:

Գալով հաշուեցուցակի վրայ «Բրիտ» դիտողութիւններին, պատիւ չէ բերում Բաթմալիոյ հայերին, եթէ՛ այդպէս է ինչպէս յայտնում է յօդւածագիրը: Զաւայի հայերը, որոց շատերին ճանաչում եմ անձամբ, վաճառական են և հմուտ հաշուագէտներ ըստ նոր ձևի որ կիջւում է «կրկնատոմար»: Անհասկանալի է երևում ձեզ նրանց հաշուեցուցակը. անշուշտ Բաթմալիոյից շուտով բացատրութիւն կստանաք: Հաստատեմ որ իմ բարեկամ պ. Գասպար Տէր Գէորգեանն որ այնտեղի Հայկեան միաբանութեան տոնադպիրն է, կբարհաճի փութով պարզ և մաքուր աշխարհաբարով հարկաւոր տեղեկութիւններ հաղորդել թերթիդ, այնտեղի ազգային հաստատութիւնների և կալւածների վերաբերութեամբ, որպէս և նրանց եկամուտների և ծախքերի մասին: Յոյս ունիմ ուղարկածս տետրակը ձեզ հարցուփորձի և խորհրդածութեան նիւթ կմատակարարի:

Կ. Յ. Զէյթունեան.

ՆԱՄՍԿ ՌԱՇԵՐՑ

30 հոկտ. 95

Հետեւեալ նամակը ուղարկել եմ Թիֆլիզի «Տարազ» շաբաթաթերթին տպագրելու. խնդրում եմ բարի լինէք դուք էլ տպագրէք, քանի որ ձեր թերթը շատ է տարածւած այստեղ: «Զեր թերթի 38 համարում տպագրւած Ռաշտի նամակը կարդացի: Դժուար է ինձ լրագրական ասպարէզ մտնել տեղոյս ազգայնոց կնճռոտ խնդիրների վերաբերմամբ, սակայն ձեր տպագրած նամակում, ի միջի այլ շաղակրատութիւններէ, այն կէտը որ վերաբերում է քաղաքիս աւետարանականաց վարժարանին, պարտաւորեցնում է ինձ հրապարակ գալ յանուն ճշմարտութեան, հերքել այն մեծ սուտը որ յօդւածագիրը առանց տեղեկանալու բողոքականաց վարժարանի ծրագրին, համարձակել է փիղջփեղ խօսքերով հասարակութեան սիրտը պտորել որպէս թէ ազգային դպրոցական վերջին խառնակութեան ժամանակ բողոքական քարոզիչները համար լայն ասպարէզ է բացել որով պղտոր ջրում ձուկ են որում. նամանաւանդ ծիծաղելի է այն կէտը, որ յօդւածագիրը նկարագրում է բողոքականաց ուսումնարանը ասելով. «աշակերտներ, աշակերտուհիներ և պարսիկ աշակերտներ, մի սեղանի վերայ նստած իրենց առօրեայ դասերը սորվում են». դա զրպարտութիւն է:

Հայ աւետարանական ժողովուրդը վաղուց է որ տեղումս ունի մի ուսումնարան, բայց ոչ քարոզիչ մինչդեռ պ. յօդւածագիրը յիշում է քարոզիչ բառը: Մասնաւորապէս չորս տարի է որ

այդ վարժարանը միանգամայն գործում է պարսիկ երեսայոց մտաւոր և բարոյական զարգացմանը, բայց ցաւում եմ ասելն որ այս տարի տեղոյս ազգայնոց մէջ մի սարսափելի երկպառակութիւն տեղի ունեցաւ որի բացատրութիւնը ինձ չէ վերաբերում որովհետեւ միշտ չէզօք ու անտարբեր գտնւած եմ այդպիսի խառնուճաղանձ խնդիրներում:

Այդ խառնակութեանց պատճառով, երեսները մնացին առանց դաստիարակութեան. նորանցից ոմանք իրենց ծնողաց խնդրանքը ընդունեցին մեր դպրոցը. վարչութիւնը գթալով այն թափառաշրջիկ ուսման ծարաւ երեսայոց վերայ, յանուն քրիստոսի և ի սէր ազգութեան, միևնոյն ժամանակ լիջելով աւետարանի այն պատէրը «թէ առաջ հրէից, հապա յունաց» վասնորոյ դպրոցը կորցրեց թոշակատու պարսիկ աշակերտները ընդունելով հայերին ձրի. այդ բանը արաւ նա յանուն հայութեան:

Իսկ ինչ վերաբերում է միւս խնդրին դա կատարեալապէս լիւր սուտ է. աշակերտներ և աշակերտուհիներ ևս մնում են առանձին առանձին սենեակներում. (աշակերտաց մեծը 12 տարեկան իսկ աշակերտուհեաց 8 տարեկան է) իսկ պարսիկ ոչ մի աշակերտ չկայ. նորանք գնացին այն ժամանակ երբ հայեր ընդունեցան. միայն պարսկերէնի դասատուն օրական մի քանի ժամ դալիք է տղայոց դասերի համար:

Ահա ամբողջ իրողութիւն. այժմ թող ամաչի յօդւածագիրը իր ստերի համար:

Ուսուցիչ Ռաշտի բող. դպրոցի Մ. Յ. Հացագործեան,

ՆԱՄՍԿ ԽՄԲԱՐՈՒԹԵԱՆ

Թէհրան 6 նոյ, 95

Ձաւիղ № 40-ի մէջ տպագրւած է պ. Ռաֆայէլ Թաղէոսեանի մի յայտարարութիւնը Թէհրանի Հայոհեաց կոչող ընկերութեան օրինորդաց դպրոցի վարժուհիների մասին: Յայտարարողը յայտնում է որ մայր և աղջիկ բաղդադցի հայեր են և այն: Մենք զարմանում ենք այդ դպրոցի դեկավարների անմըտութեան և խորին տգիտութեան վրայ, որ համարձակվել են մատաղ աղջիկներին յանձնել մի այդպիսի մայր և աղջկայ ձեռքը: 25 որ այդ «մայրը» մի աշխարհիկ պատմութիւն է իր հետը բերել Սպահանից, իսկ աղջիկը հազիւ 6 ամիս միայն եղել է բողոք. դպրոցը. մի դպրոց որից աւարտածը անընդունակ է անգամ վարժուհիութիւն անելու, ինչ մնաց կիսատ թողնողը:

Բացի դրանից եթէ այդ դպրոցը Հայկազ. օրինոր. դպրոցի «աջըղի» համար է բացւած, ինչպէս որ Հայկական դպրոցը Հայկազեան դպրոցի աջըղին—ինչով են կամենում մրցել. իրենց այդ տեսակ վարժուհիներով. չէ որ եթէ այդպէս վարժուհիների յանձնել կարելի լինէր մեր աղջիկներին, էլ հարկ չը կար ներդրութիւն կրել և Ռուսաստանից մեր ներկայ Հայկազ. դպրոցի վարժուհին բերել տալ: Մի խոսքով մարդ ապշում է այդ Հայուհեաց ընկերութեան և առ հասարակ Դովլաթայ թաղի կրթական գործերը դեկավարող անձերի լրբութեան վրայ, որ անպատիժ կերպով ամեն տեսակ խայտառակութիւնների խաղալիք

են դարձնում մեր որդիների ուսման գործը: Էլ ինչու համար է ուրեմն քաղաքումս նստող փոխանորդ հայրը. եթէ այդպիսի ակներև խայտառակութիւնների վրայ ուշադրութիւն չէ դարձնում. ինչո՞ւ մի անգամ չէ պահանջում գիտեալ թէ ովքեր են և կամ ուսման ինչ ցենդ ունին Դովլաթի թաղի Դասպարեանն ու Բժշկեանը, Մայր վարժուհին ու աղջիկ վարժուհին:

Հրաւիրում ենք փոխանորդ հօր ուշադրութիւնը. բաւական է ինչ լուց և թոյլ աւել որ մեր որդիների կրթութեան գործը խայտառակութիւն չլինեն զանազան բաղադրանքները ու ապիկարները:

Մի Դովլաթաթագեցի.

ԳՐԱԽՈՍՈՒԹԻՒՆ

«Պատմութիւն Բագուայ հայոց աղքատականամ եկեղ. հոգաբարձութեան» 1872—1893: Գաղմեց Ս. Գալստեան. Բագու. գինն է 25 կ. Ծախվում է յօգուտ աղքատանոցի

Այս գրքի մասին երկար չէ խօսելիքս: Դա մի հաշիւաւորութիւն է. շատ կանոնաւոր, գոհացուցիչ և հասկանալի, ինչ որ երբեք չեն եղել Զուլայի վանքի կամ Բաթմալիոյ հաստատութիւնների հաշիւները: Մեր առջև դրած տեղեկագիր մէջ շատ հասկանալի լեզուով պատմւած է Բագուի աղքատականամ ընկերութեան սկզբնապատճառը, որը 1872 թւին Բագու գաղթած Պարսկահայ աղքատներն են եղել: Հաւաքել է նրանց, նաև ձամախու երկրաշարժից վնասուած և Բագու եկող թշուառների համար՝ մի որոշ գումար, որով օգնել են բոլորին, գործի գրել և կամ խնամել մինչև իրենց երկիրը վերադառնալը: Սովոր անցնելուց յետոյ, ճանապարհ են գրել գաղթողներին և զանապապ պ. Գ. Դիլարեանի մօտ մնացած 468. ռ. 57 կ. փողը գործածելու, այլև զննելու և աղքատներին առաջարկութեան հիման վրայ—կազմել է Աղքատասիրաց ընկերութիւնը: Այդ ընկերութիւնը 1873 թւից ի վեր սկսում է գործել: Որքան հեշտութեամբ թւերով կարելի է լինում իսկոյն և եթ գաղափար կազմել ընկերութեան 21 ամիս գործունէութեան մասին: Բացի կանոնաւոր մանրամասն հաշիւից վերջումը տրւած է մի հաշիւաւոր այսպէս:

«Ջերոյիշեալ հաշիւներից կարելի է նկատել, որ աղքատականամ եկ. հոգ. իր 21 տարւայ գործունէութեան ընթացքում ստացել է եկամուտ այլ և այլ աղբիւրներից ընդամենը 31,381 ռուբ. 91 կոպ.

Յետոյ թւած է թէ որպիսի հասոյթներից են գոյացել այդ գումարները: Հետաքրքիր է տեսնել, որ ծննդեան և Զատիկ տօների այցելութիւններից գոյացել է 3868, 95. զանազան մարդիկ մեռնելիս կտակներ են արել 1232, 11. իսկ հոգեբաժիկները փոխանակ զանազան տէրութիւնների և եկեղեցիների կամ վանքերի ուտեցնելու, տւել են աղքատներին՝ 7956 ռ. 90 կ. փող: Դեռ չեմ յիշում որ ընկերութիւնը օգտուել է նւէրներից էլ 8109 ռ. 20 կ.:

Ծախսն էլ յայտնի է նոյնքան պարզութեամբ, որովհետև այսպիսի մի պարզ հաշիւաւոր կայ:

«Հոգաբարձութիւնը 21 տարւայ ընթացքում ծախսել է 31705 ռ. 8 կ. այսպէս:

Օժանդակութիւն աղքատների—10379 ռ. 65 կ. Աղքատ ննջեցեալների թաղման՝ 447 ռ.

*) Այդ «Ջաւայի ժողովրդեան սահմանադրութիւն» կոչող գրքոյկի մասին կը խօսենք յետոյ

ՆԵՐՈՒՆ ԼՈՒՐԵՐ

24 կ. Աղբառ աղջկանց պատկերում համար նը-
պատ 168 ր. բանդարկաներին ծննդեան և
զատկի տօներին—111 ր. 50 կ. Դպրոցների
աղբառ աղջկաներին նպատ և դասական
պիտոյը—301 ր. 76 կ. Տպագրական և ծա-
ռայի ծախս—166 ր. 81 կ. Իսկ աղբառանո-
ցի շինութեան վրայ և ծախսում 19632 ր.
87 կ. որովհետև այդ խնամակալութիւնը ու-
նի աղբառանոցի մի շէնք ուր պատասպանում
են խեղճ հայ անտուն կամ պանդուխտ աղ-
քաւաններ ու ընտանիքներ:

Ձէնքը կամարակալ է և կառուցւած ամուր
սրբատաշ քարերից, բաղկացած է 25 մեծ ու
փոքր սենեակներից և մի մեծ դահլիճից, ու-
նի լազարան, խոհանոց, հացթխելու տեղ և
3 ջրհոր: 1888 թիւն բնակել են այդտեղ 16
ընտանիք, 1892-ին 33 ընտանիք, իսկ այս
տարի կենում են 32 ընտանիք՝ թիւով 128
հոգի. այդ աղքատները, բացի բնակարանից
և մասնաւոր նպաստներից, ուրիշ ոչինչ չեն
ստանում և ապրում են գործելով:

Ահա մի համակրելի ընկերութիւն և համա-
կրելի շէնք, որի հաշիւն է որ շատ պարզ,
հասկանալի կերպով պարզում է մեր առջև
տեղեկագիրը:

Այս գիրքը թերթիս, միտքս ընկաւ որ
Սպահանումն էլ կայ մի այդպիսի բան. դիմե-
ցի նսայի եպ. հրատարակած տեղեկագրին
և ուզեցի մի համեմատութիւն անել: Այնտեղ
միայն երևում է մի տարւայ հաշիւը, բայց թէ
ինչ արկղ է գա, ինչ է դրա սկիզբը և այլն
ոչինչ չը կայ. կամ ոճի գումարներ, կտակ-
ներ, կալածներ և այլն—ոչինչ յայտնի չէ.
միայն թէ երևում է որ նսայի եպիսկոպոսին
յաջորդել է այդքանը հաշիւ անել:

Նոր-Ջուղայի «Աղբառանոցի արկղը» մուտք
է ունեցել 1894-ին 7577 դ. 3 շ: Հասոյթների
մէջ 1402 դ. 10 շ. Հնդկաստանից է եկել,
4638-ը՝ Բաթալայից, 1150-ը կտակներից,
200-ը՝ ածուխ ծախելուց, մուրհակով պա-
հանձնած՝ 150 և տէրութիւնից՝ 60 դուան...
Ընթերցողը չէ գարմանում ուրեմն որ ոչ մի
նէր չէ գտնում իրենց ջուղայեցոց կողմից,
կամ նպատ կամ օգնութիւն. մինչ 1891
թիւն միայն Բագուի աղբառաց արկղը նէր-
ներից—հոգեբաժին է ստացել 2525 լուրի.
այսինքն, լուրին 5 դուանով հաշւած՝ 11615
դ., գրեթէ երկու անգամ անելի քան Ջուղայի
իր սեփական փողերից ձեռք բերած տոկոս-
ները: 25-ն ամաշիլ ջուղայեցիք այս համե-
մատութիւնից... չէն ամաշում որ իրենց աղ-
քաւաններ իրենք խնամել չը գիտեն և մինչև
իսկ նրանց արկղից 1872-ին փող են պարտք
առնում և մինչև 1895 թիւը ոչինչ վճարած
չեն լինում... Որքան կարմրելու և խայտառակ
լինելու քաղաքործութիւններ են ունեցել այդ
նոր-Ջուղայեցի աղաներն ու աղքատաց արկղին
տասնեակ տարիներից ի վեր պարտք ունեցող
Տէր-Կարուպետ Յորդանանեանները... Բագուի
աղբառանոցի հոգաբարձութեան հաշիւտու-
թիւնը կամ անելի ճիշտն ասել տեղեկագիրը
մի նմոյշ թող ծառայի մեր Սպահանի և Բա-
թալայի հաշիւտուներին. այլ և թող օրինակ
լինի թէ որպիսի սրբութեամբ գիտեն վարել
կովկասցիք իրենց հասարակական հիմնարկու-
թիւնների հետ, մինչ մեզ մօտ՝ պարսկահայե-
րի մէջ այդպիսի հիմնարկութիւնները կողոպ-
տելը, նրա դրամները կլանելը այնքան սովոր-
ական է դարձել, որ ոչ ոք չէ յուզում և
կամաց կամաց էլ բարոյական օրէնք դառնալ
է սպառնում....

Ջանազան կեղտոտ դաւեր են սկսել
լարել պարսկահայ հասարակութիւննե-
րի դէմ այս օրերս: Թէհրանի հասա-
րակութեան մասին սուտ ամբաստանու-
թիւն է եղել պարսկական կառավա-
րութեան, բայց բարեբաղդաբար, շնոր-
հիւ ալժմեան խելօք և լուսամիտ Ն. Վ.
Սադրազամին, այդ ամբաստանութիւնը
հերքել է: Մենք զարմանում ենք այդ
ամբաստանութիւնը անողների անմտու-
թեան վրայ, քանի որ պարսկահայը բո-
լորովին ապահով ու ազատ է զգում
իրեն Ն. Վ. Վեհ. Շահի և Ն. Վ. Սադ-
րազամի հովանաւորութիւնը վայելելով
և որ կողմնակի դաւերը չեն կարող
խաղաղ մեր ունեցած երախտագիտա-
կան զգացմունքները դէպի պարսկական
Վեհապետը և նրա Ն. Վ. Նախարարա-
պետը:

Մենք անցեալ համարով աւել էինք
որ տեղիս փոխ. հայրը—որպէս մեզ
հաղորդել էին—իր թէ արգիւն է
գումարումներ անել երեկոյթ կամ ներ-
կայացումներ տալու համար: Ալժմ
հայր սուրբը մեզ իմաց է տալիս, որ
մեզ հաղորդած այդ լուրը հիմնովին
սուտ է և որ նա ոչնչով արգելք չէ ե-
ղել և չի լինի գումարումներ անելու
Պարսկաստանի պէս մի ազատ երկրում:
Ուրեմն Թէհրանի ծով երիտասարդնե-
րը աւելի լաւ կանեն որ էլ չը զիմեն
այդպիսի ստալօղ միջոցների, իրենց
անշարժութիւնը արդարացնելու համար:

Եղբ. Թումանեանց գործակալը Թէհ-
րանում, մեզ իմաց է տալիս որ սովետա-
կան օգտին հաւաքած միւս 50 լիրան
այս շաբաթ կուղարկի Ս. Պատրիարքին:
Այդ առիթով յայտնում է որ շնորհա-
կալութեամբ ստացել է Համադանից,
պ. Կարապետ Զօրաբ տէր Յովհաննէ-
սեանից, յօգուտ Սասունի սովետների
25 թուման: Լաւ կը լինէր որ ուրիշ
քաղաքներից ևս օրինակ առնէին պ.
Տէր Յովհաննէսեանից:

Լսում ենք որ Թէհրանի հայ հասա-
րակութիւնը շնորհակալութեան բազ-
մաստորագիր մի ուղերձ է ներկայացնել
Ն. Բարձ. Սադրազամի միջոցաւ առ Ն.
Կայսերական Վեհափառութիւն Շահը,
այն հոգաճութեան և անաչառ կառա-
վարութեան համար որ Նորին Կայսե-
րական Վեհափառութիւնը ցոյց է տուել
և տալիս է դէպի իր հայ հպատակները:
Այս էլ մի ապացոյց է որ հայերը միշտ
երախտագիտութիւն են ցոյց տալիս դէ-
պի այն կառավարութիւնները, որոնք
գիտեն իրենց հպատակների հետ ար-
դարութեամբ վարել: Նոյնպէս լսում
ենք որ այլ քաղաքներից էլ այդ մտքով
ուղերձներ են ներկայացել առ Վեհ.
Շահի կառավարութիւնը:

Ռէյտէրի գործակալութեան մի հե-
ռագիրը հաղորդում է որ հայոց Էջ-
միածնի կաթողիկոսը մի յիշատակագիր

է գրել Կ. Պօլսի ռուսաց գեսպան Նելի-
զովին և որ վերջինս պատասխանելով
հայոց կաթողիկոսին ասում է թէ հա-
յերն են մեծ մասամբ գրգռել այն կոիւ-
ները, որոնց հետեանքը եղաւ քրիստո-
նեաների սոսկալի կոտորածը: Նա խոր-
հուրդ է տալիս հայերին «բաց թողնել
այն ունայն յոյսը թէ Եւրոպայի միջա-
մտութիւնը պիտի գործակցէ իրերի մի
նոր գրութիւն ստեղծելու համար»: Կ.
Պօլսի ռուսաց գեսպանի «պաշտօնական»
պատասխանից վրդովելու հարկ չը կայ:
Եթէ ճիշտ է հայոց վ. կաթողիկոսի
այդ դիմումը մի գեսպանի (որ անհա-
ւատալի է) այն ժամանակ մնում է են-
թադրել որ վեհափառը հասցէն է մէջ
սխալել է:

Ամենայն հայոց կաթողիկոսի կեան-
քի դէմ սպանութեան փորձ է արւել.
Ռուսաց «ЮЖНЫЙ КРАЙ» թերթն է ու
պատմում է այսպէս. «Էջմիածնի հայոց
կաթողիկոսի դէմ եղած անբաւականու-
թիւնը արտայայտւում է ի միջի այլոց
նրաւով, որ փորձ է եղել սպանել նը-
րան: Թէև պաշտօնապէս չեն յայտնում
այդ լուրը, սակայն կաթողիկոսին մօտ
մարդիկ պատմել են և սինօզի անդամ-
ներից մի քանիսն էլ հաստատում են որ
բռնել են սպանել ուզողին, որը մօտե-
ցել է Կաթողիկոսին, իր թէ օրհնու-
թիւն ստանալու և ուզել է խփել: Բըռ-
նողը յայտնել է որ միայն ինքը չէ այդ
մտադրութիւնը ունեցողը և որ իրեն
գաղափարակիցներ էլ կան»:

Ռաշտից մեզ գրում են որ Թումանեանց-
ներից մէկը խոստացել է օրիորդաց դպրոց
կառուցանել այնտեղ: Մենք խորհուրդ կը
տանք Թումանեանցներին որ փոխանակ
նորանք շէնքեր և հաստատութիւններ
կառուցանելու. քիչ էլ մտածէին ապա-
հովեցնել եղածները կամ մի Ֆոնդով և
կամ կալածներով: Օրինակ հէնց Ռաշ-
տի երկուսը դպրոցը: Բաւական է քանի
մեր բոլոր դպրոցները իրենց նիւթական
միջոցը մեծ մասամբ հայթայթում են
մուրացկանութեան ձեռք ժողոված հան-
գանակութիւններից: Թող հարուստները
կալածներով ապահովեցնեն նրանց, փո-
խանակ նորանոր—շատ անգամ աւելորդ
—շէնքեր շինելով:

Մեզ գրում են Մարաղայից, որ այն-
տեղի խալֆա-Ֆալի Յօնան վարժապե-
տի ամուսնութեան համար, հոգաբար-
ձուները եկեղեցու փողից նւիրում են,
որպէսզի հանգէսը շրջող անեն քանի որ
«ազգային վարժապետ է»... Այդ էր
պակաս. դպրոցի փողերով հարսանիք
են անում. օրինակելի հոգաբարձուներ!:

Գալթակեցուցիչ լուրեր են հասնում
նոյն տեղից նոյն Յօնան վարժապետի
մասին: Փորձանք է դարձել Մարաղայի
գլխին: Ինչու համար է ուրեմն լուր
Գալթակի առաջնորդական փոխանորդը
և չէ վաճառում Մարաղայից այդ շառա-
տանին: Ազդարարում ենք առաջ. տե-
ղապահին յիշել իր պատասխանատու-
թիւնը այն ծանր հետեանքի մասին, որ

կարող է առաջ գալ Մարաղայի հայերի
մէջ. մեզ գալիս են բազմաթիւ նամակ-
ներ, որոնք յայտնում են մի սկսող խռո-
վութեան մասին: Մենք սպասում ենք
մեր թղթակցի տեղեկութիւններին:

Ն. յ. 1-ի. կատարած Վիէնայի
Միութ. միաբանութեան արբաժօր Ար-
սէն եպ. Այդնեանի 50 ամեայ յօբելեա-
նի առթիւ, միաբանութիւնը հրատա-
րակել է յօբելեարի կենադրութիւնը
«Կենսագրական ակնարկ» վերնագրով,
գրած Հ. Գաբրիէլ Վ. Մէնեվիշեանի:
Ստացանք նաև արբաժօր մեծ պատկե-
րը շատ շքեղ տպւած: Համակրութեան
արժանի է այդ գիտնական և աշխատա-
ւոր հօր յօբելեանի տօնախմբութիւնը:
Խմբագրութիւնս յայտնում է իր շնոր-
հաւորութիւնը և համակրութիւնը:

Հ Ե Ռ Ա Գ Ի Ր Ն Ե Ր

ՐԵՅՏԵՐԻ ԳՈՐԾԱԿԱԼՈՒԹԻՒՆ

Լոնդոն. 14. Աւստրիան մարտա-
նաւեր է ուղարկում Լեվանտ:
Ս. Պետերբուրգ. 14 նոյ. Հինգ ռուսա-
կան մարտանաւեր հրաման են ստացել
անմիջապէս երթալ Լեվանտ:
Կ. Պօլս. 15 Միացեալ Նահանգների
մի նաւատորմ հրաման է ստացել զնալու
Լեվանտ:

«Թայմզը» իր Կ. Պօլս մասնաւոր թղ-
թակցից ստացած հեռագրի համաձայն
յայտնում է, որ թիւրքերը պատերազմի
պատրաստութիւն են տեսնում. նորքա
կրկնապատկել են Դարդանեւի պահա-
պան զօրքը և զօրեղացրել մուտքի վրայի
հսկողութիւնը:
Արժէթղթերը մի քառորդ ևս ընկել են:
Ուրբաթ օրւանից ի վեր եղել է 3/4
անկում:

Արտօնատէր հրատարակիչ՝
ՄԵԴԻԱՍ ԲԵՆԵՍԵՆ

ՅԱՅՏԱՐԱՐՈՒԹԻՒՆՆԵՐ

Այս կիրակի օրից սկսեալ (նոյ. 11)
եօթ շաբաթ շարունակ, հայ աւետարա-
նական եկեղեցոյ քարոզութիւնների
բնաբանը լինելու է «Սէր ընդ մէջ մեր»
Յայտարարվում է որ ցանկացողները
կարող են գալ լսելու այդ քարոզները
որոնք կը սկսեն առաւօտեան ժամը
9-ից (ըստ եւրոպական):

Քարոզիչ Միհրան Դամբուրաջեան.
1—3

Յայտարարվում է որ մտադրութիւն
կայ Ս. Գեորգ եկեղեցւոյ համար կազ-
մակերպել մի կանոնաւոր երգեցիկ
խումբ. այդ պատճառով խմբին մասնակ-
ցել կամեցող ձայն ունեցող երիտա-
սարդները հրաւիրվում են առաջիկայ
երկուշաբթի, երեկոյեան ժամը 5-ին,
ներկայ գտնւել փոխանորդ հօր մօտ:
1—1